

Augsburg, 12. Januar 1566

An Joachim Camerarius d. Ä.

BSB, Clm 10370, Nr. 295.

Clarissimo viro, D. Ioachimo Camerario etc. Domino et amico suo colendo. Leipzig.  
S. γραμματοφόρον magis idoneum, aut gratiosiorem, ne optare quidem potuissem eo, qui vltò  
sese obtulit. Cuius incolumitatem et ipsi et tibi tam ex animo gratulor, quàm de salute illius,  
anno superiore fui sollicitus. Plura quae scribam, non habeo, nisi quòd tibi et tuis secundissima  
omnia precor, et te pristinam tuam erga me benevolentiam conseruare et spero et opto. Vale.  
Augustae Vindelicorum. Pridie idus Ianuarij 1566.

Hiero[nymus] Wolfius.